



中国经典名著

全宋词

(七)

刘 丰 褚为良 編集

学苑音像出版社

目 录

张元干.....	员
邓 肃	苑
吕渭老	愿
王之道.....	苑
董 颖.....	苑
朱 翌.....	愿
欧阳澈.....	园
杨无咎.....	苑

张元干

贺新郎

寄李伯纪丞相

曳杖危楼去。斗垂天、沧波万顷，月流烟渚。扫尽浮云风不定，未放扁舟夜渡。宿雁落、寒芦深处。怅望关河空吊影，正人间、鼻息鸣鼙鼓。谁伴我，醉中舞。

十年一梦扬州路。倚高寒、愁生故国，气吞骄虏。要斩楼兰三尺剑，遗恨琵琶旧语。谩暗涩铜华尘土。唤取谪仙平章看，过苕溪、尚许垂纶否。风浩荡，欲飞举。


又

送胡邦衡待制

梦绕神州路。怅秋风、连营画角，故宫离黍。底事昆仑倾砥柱。九地黄流乱注。聚万落、千村狐兔。天意从来高难问，况人情、老易悲如许。更南浦，送君去。

凉生岸柳催残暑。耿斜河、疏星淡月，断云微度。万里江山知何处。回首对床夜语。雁

— 员 —



不到、书成谁与。目尽青天怀今古，肯儿曹、
恩怨相尔汝。举大白，听金缕。

满江红 自豫章阻风吴城山作

春水迷天，桃花浪、几番风恶。云乍起、
远山遮尽，晚风还作。绿卷芳洲生杜若。数帆
带雨烟中落。傍向来、沙觜共停桡，伤飘泊。

寒犹在，衾偏薄。肠欲断，愁难著。倚篷
窗无寐，引杯孤酌。寒食清明都过却。最怜轻
负年时约。想小楼、终日望归舟，人如削。

兰陵王

卷珠箔。朝雨轻阴乍阁。阑干外，烟柳弄
晴，芳草侵阶映红药。东风妒花恶。吹落。梢
头嫩萼。屏山掩，沈水倦熏，中酒心情怕杯勺。

寻思旧京洛。正年少疏狂，歌笑迷著。障
泥油壁催梳掠。曾驰道同载，上林携手，灯夜
初过早共约。又争信漂泊。

寂寞。念行乐。甚粉淡衣襟，音断弦索。
琼枝璧月春如昨。怅别后华表，那回双鹤。相

— 圆 —



思除是，向醉里、暂忘却。

又

绮霞散。空碧留晴向晚。东风里，天气困人，时节秋千闭深院。帘旌翠波飏。窗影残红一线。春光巧，花脸柳腰，勾引芳菲闹莺燕。

闲愁费消遣。想娥绿轻晕，鸾鉴新怨。单衣欲试寒犹浅。羞衾凤空展，塞鸿难托，谁问潜宽旧带眼。念人似天远。


迷恋。画堂宴。看最乐王孙，浓艳争劝。兰膏宝篆春宵短。拥檀板低唱，玉杯重暖。众中先醉，谩倚槛、早梦见。

念奴娇

江天雨霁，正露荷擎翠，风槐摇绿。试问秦楼今夜里，愁到阑干几曲。笑捻黄花，重题红叶，无奈归期促。暮云千里，桂华初绽寒玉。

有谁伴我凄凉，除非分付与，杯中醺醖。水本无情山又远，回首烟波云木。梦绕西园，魂飞南浦，自古情难足。旧游何处，落霞空映

— 猿 —



孤鹜。

又

丁卯上巳，燕集叶尚书蕊香堂赏海棠，即席赋之

蕊香深处，逢上巳、生怕花飞红雨。万点胭脂遮翠袖，谁识黄昏凝伫。烧烛呈妆，传杯绕榼，莫放春归去。垂丝无语，见人浑似羞妒。


修禊当日兰亭，群贤弦管里，英姿如许。宝靥罗衣，应未有、许多阳台神女。气涌三山，醉听五鼓，休更分今古。壶中天地，大家著意留住。

又 代洛滨次石林韵

吴松初冷，记垂虹南望，残日西沈。秋入青冥三万顷，蟾影吞尽湖阴。玉斧为谁，冰轮如许，宫阙想寒深。人间奇观，古今豪士悲吟。

苍弁丹颊仙翁，淮山风露底，曾赋幽寻。老去专城仍好客，时拥歌吹登临。坐揖龙江，举杯相属，桂子落波心。一声猿啸，醉来虚籁千林。

— 源 —



又 题徐明叔海月吟笛图

秋风万里，湛银潢清影，冰轮寒色。八月灵槎乘兴去，织女机边为客。山拥鸡林，江澄鸭绿，四顾沧溟窄。醉来横吹，数声悲愤谁测。

飘荡贝阙珠宫，群龙惊睡起，冯夷波激。云气苍茫吟啸处，鼉吼鲸奔天黑。回首当时，蓬莱方丈，好个归消息。而今图画，漫教千古传得。

又

寒绡素壁，露华浓、群玉峰峦如洗。明镜池开秋水净，冷浸一天空翠。荷芸波生，菰蒲风动，惊起鱼龙戏。山河影里，十分光照人世。

谁似老子痴顽，胡床敲坐，自引壶觞醉。醉里悲歌歌未彻，屋角乌飞星坠。对影三人，停杯一问，谁解骑鲸意。玉京何处，翠楼空锁十二。

— 缘 —



又 己卯中秋和陈丈少卿韵

垂虹望极，扫太虚纤翳，明河翻雪。一碧天光波万顷，涌出广寒宫阙。好事浮家，不辞百里，俱载如花颊。琴高双鲤，鼎来同醉孤绝。

浩荡今夕风烟，人间天上，别似寻常月。陶冶三高千古恨，赏我中秋清节。八十仙翁，雅宜图画，写取横江楫。平生奇观，梦回犹辣毛发。

石州慢

寒水依痕，春意渐回，沙际烟阔。溪梅晴照生香，冷蕊数枝争发。天涯旧恨，试看几许消魂，长亭门外山重叠。不尽眼中青，是愁来时节。

情切。画楼深闭，想见东风，暗销肌雪。辜负枕前云雨，尊前花月。心期切处，更有多少凄凉，殷勤留与归时说。到得却相逢，恰经年离别。

— 远 —



又 己酉秋吴兴舟中作

雨急云飞，惊散暮鸦，微弄凉月。谁家疏柳低迷，几点流萤明灭。夜帆风驶，满湖烟水苍茫，菰蒲零乱秋声咽。梦断酒醒时，倚危檣清绝。


心折。长庚光怒，群盗纵横，逆胡猖獗。欲挽天河，一洗中原膏血。两宫何处，塞垣祇隔长江，唾壶空击悲歌缺。万里想龙沙，泣孤臣吴越。

永遇乐 宿鸥盟轩

月仄金盆，江萦罗带，凉飏天际。摩诃丹青，营丘平远，一望穷千里。白鸥盟在，黄粱梦破，投老此心如水。耿无眠、披衣顾影，乍闻绕阶络纬。

百年倦客，三生习气，今古到头谁是。夜色苍茫，浮云灭没，举世方熟寐。谁人著眼，放神八极，逸想寄尘寰外。独凭栏、鸡鸣日上，海山雾起。

— 苑 —



又 为洛滨横山作

飞观横空，众山绕甸，江面相照。曲槛披风，虚檐挂月，据尽登临要。有时巾履，访公良夜，坐我半天林杪。揽浮丘、飘飘衣袂，相与似游蓬岛。

主人胜度，文章英妙，合住北扉西沼。何事十年，风洒露沐，不厌江山好。曲屏端有，吹箫人在，同倚暮云清晓。乘除了、人间宠辱，付之一笑。


八声甘州 陪筠

翁小酌横山阁

倚凌空飞观，展营丘卧轴恍移时。渐微云点缀，参横斗转，野阔天垂。草树萦回岛屿，杳霭数峰低。共此一尊月，顾影为谁。

俯仰乾坤今古，正嫩凉生处，浓露初霏。据胡床残夜，唯我与公知。念老去、风流未减，见向来、人物几兴衰。身长健，何妨游戏，莫问栖迟。

— 愿 —



又

西湖有感寄刘晞颜

记当年共饮，醉画船、摇碧罇花钗。问苍颜华发，烟蓑雨笠，何事重来。看尽人情物态，冷眼只堪咍。赖有西湖在，洗我尘埃。

夜久波光山色，间淡妆浓抹，冰鉴雪开。更潮头千丈，江海两崔嵬。晓凉生、荷香扑面，洒天边、风露逼襟怀。谁同赏，通宵无寐，斜月低回。


水调歌头

同徐师川泛太湖舟中作

落景下青嶂，高浪卷沧洲。平生颇惯，江海掀舞木兰舟。百二山河空壮。底事中原尘涨。丧乱几时休。泽畔行吟处，天地一沙鸥。

想元龙，犹高卧，百尺楼。临风酹酒，堪笑谈话觅封侯。老去英雄不见。惟与渔樵为伴。回首得无忧。莫道三伏热，便是五湖秋。

— 怨 —



又 和芑林居士中秋

闰余有何好，一岁两中秋。滕王高阁曾醉，
月涌大江流。今夜钓龙台上，还似当时逢闰，
佳句记英游。看山兼看月，登阁复登楼。

别离久，今古恨，大刀头。老来长是清梦，
宛在旧神州。遐想芑林风味，瓮里自倾春色，
不用贳貂裘。笑我成何事，搔首谩私忧。

又 陪福帅宴集口占以授官奴


缥缈九仙阁，壮观在人间。凉飈乍起，四
围晴黛入阑干。已过中秋时候。便是菊花重九。
为寿一尊欢。今古登高意，玉帐正清闲。

引三巴，连五岭，控百蛮。元戎小队，旧
游曾记并龙山。闽峤尤宽南顾。闻道天边雨露。
持橐诏新颁。且拥笙歌醉，廊庙更徐还。

又

平日几经过，重到更留连。黄尘乌帽，觉

— 四 —



来眼界忽醒然。坐见如云秋稼，莫问鸡虫得失，
鸿鹄下翩翩。四海九州大，何地著飞仙。

吸湖光，吞蟾影，倚天圆。胸中万顷空旷，
清夜炯无眠。要识世间闲处，自有尊前深趣，
且唱钓鱼船。调鼎他年事，妙手看烹鲜。

又

雨断翻惊浪，山暝拥归云。麦秋天气，聊
泛征棹泊江村。不羡腰间金印，却爱吾庐高枕，
无事闭柴门。搔首烟波上，老去任乾坤。

白纶巾，玉尘尾，一杯春。性灵陶冶，我
辈犹要个中人。莫变姓名吴市，且向渔樵争席，
与世共浮沈。目送飞鸿去，何用画麒麟。

又

过后柳故居

露下菱歌远，萤傍藕花流。临溪堂上，望
中依旧柳边洲。晚暑冰肌沾汗，新浴香绵扑粉，
湘簟月华浮。长记开朱户，不寐待归舟。

恍重来，思往事，搅离愁。天涯何处，未
应容易此生休。莫问吴霜点鬓，细与蛮笺封恨，

— 跋 —



相见转绸缪。云雨阳台梦，河汉鹊桥秋。

又

癸酉虎丘中秋

万里冰轮满，千丈玉盘浮。广寒宫殿，西望湖海冷光流。扫尽长空纤翳，散乱疏林清影，风露迫人愁。徐步行歌去，危坐莫眠休。

问孤蓬，缘底事，苦淹留。倦游回首，向来云卧两星周。此夜此生长好，明月明年何处，归兴在南州。老境一伧父，异县四中秋。

又

赠汪1秀才

袖手看飞雪，高卧过残冬。飘然底事春到，先我逐孤鸿。挟取笔端风雨，快写胸中丘壑，不肯下樊笼。大笑了今古，乘兴便西东。

一尊酒，知何处，又相逢。奴星结柳，与君同送五家穷。好是橘封千户，正恐楼高百尺，湖海有元龙。目光在牛背，马耳射东风。

又

放浪形骸外，憔悴山泽癯。倒冠落佩，此

— 圖 —



心不待白髭须。聊复脱身鹓鹭，未暇先寻水竹，
矫首汉庭疏。长夏啖丹荔，两纪傲闲居。

忽风飘，连雨打，向西湖。藕花深处，尚
能同载麴生无。听子谈天舌本，浇我书空胸次，
醉卧踏冰壶。毕竟凌烟像，何似辋川图。

又

丁丑春与锺离少翁、张元鉴登垂虹

拄策松江上，举酒酹三高。此生飘荡，往
来身世两徒劳。长羨五湖烟艇，好是秋风鲈鲙，
笠泽久蓬蒿。想像英灵在，千古傲云涛。


俯沧浪，舌空旷，恍神交。解衣盘礴，政
须一笑属吾曹。洗尽人间尘土，扫去胸中冰炭，
痛饮读离骚。纵有垂天翼，何用钓连鳌。

又

今夕定何夕，秋水满东瓠。悲凉怀抱，何
事还倍去年愁。万里碧空如洗，寒浸十分明月，
帘卷玉波流。非是经年别，一岁两中秋。

坐中庭，风露下，冷飕飕。素娥无语相对，

— 猿 —



尊酒且迟留。琴罢不堪幽怨，遥想三山影外，
人倚夜深楼。矫首望霄汉，云海路悠悠。

又

为赵端礼作

最乐贤王子，今岁好中秋。夜深珠履，举
杯相属尽名流。宿雨乍开银汉，洗出玉蟾秋色，
人在广寒游。浩荡山河影，偏照岳阳楼。


露华浓，君恩重，判扶头。霓旌星节，已
随丝管下皇州。满座烛光花艳，笑骂乌巾同醉，
谁问负薪裘。月转檐牙晓，高枕更无忧。

又 追和

举手钓鳌客，削迹种瓜侯。重来吴会三伏，
行见五湖秋。耳畔风波摇荡，身外功名飘忽，
何路射旄头。孤负男儿志，怅望故园愁。

梦中原，挥老泪，遍南州。元龙湖海豪气，
百尺卧高楼。短发霜黏两鬓，清夜盆倾一雨，
喜听瓦鸣沟。犹有壮心在，付与百川流。

— 源 —



又 送吕居仁召赴行在所

戎虏乱中夏，星历一周天。干戈未定，悲咤河洛尚腥膻。万里两宫无路。政仰君王神武。愿数中兴年。吾道尊洙泗，何暇议伊川。

吕公子，三世相，在凌烟。诗名独步，焉用儿辈更毛笺。好去承明谏论。照映金貂带稳。恩与荔枝偏。回首东山路，池阁醉双莲。

风流子

政和间过延平，双溪阁落成，席上赋

飞观插雕梁。凭虚起、缥缈五云乡。对山滴翠岚，两眉浓黛，水分双派，满眼波光。曲栏干外，汀烟轻冉冉，莎草细茫茫。无数钓舟，最宜烟雨，有如图画，浑似潇湘。

使君行乐处，秦筝弄哀怨，云鬓分行。心醉一缸春色，满座疑香。有天涯倦客，尊前回首，听彻伊川，恼损柔肠。不似碧潭双剑，犹解相将。

